

Svein Magne Vassdal
Flordalen 45
5725 VAKSDAL

Referanser:
Dykkar:
Vår: 22/1905 - 22/19381

Saksbehandlar:
Lars Johan Fjelde
lars.johan.fjelde@osteroy.kommune.no

Dato:
23.08.2022

Godkjenning av bestandsplan for Osterøy bestandsplanområde 2022-2025

Administrativt vedtak: Saknr: 231/22

Vedtak

Med heimel i § 16 i hjorteviltforskrifta godkjenner Osterøy kommune bestandsplan for hjort 2022-2024 for Osterøy Bestandsplanområde.

Det blir tildelt ei ramme på 1308 dyr for planperioden 2022-2024 som er i samsvar med omsøkt bestandsplan.

Årleg plan for avskyting for Osterøy Bestandsplanområde, fordelt på kjønn og alder, vert godkjend etter § 15:

Kategori /År	Sum	Kalv	1,5-år han	1,5-år ho	Bukk, eldre	Kolle, eldre	Han %	Ho %	Ungdyr %	Vaksne %
Tildeling, %	100 %	25 %	15 %	20 %	15 %	25 %				
Totalt ord.	1308	327	196	261	197	327	40	60	60	40

Med heimel i § 16 i forskrifta vert grensa for årleg avvik frå avskytings planen og overføring av dyr mellom åra i planperioden, sett til 5 %. Dette gjeld både tal dyr og fordeling på kjønn og alder. Det blir her særleg vist til NINA rapport side 26 3. avsnitt.

Det blir sett vilkår om at kalveandelen skal vera minimum 25% som gjennomsnitt for heile bestandsplanområde, men kan variere i mellom valda etter beiteproblema.

**Alderen på Koller og særleg bukkar bør aukast i hjortestamma, jf. NINA rapporten.
Valdet kan årleg søke om tilleggssdyr etter § 7. Desse skal nyttast i område med skadeproblem.**

Saksutgreiing:

Osterøy Bestandsplanområde har ved Svein Magne Vassdal søkt om godkjenning av bestandsplan m/ avskytings plan / avskytings profil for 2022-2024.

Hjortevaldet består av hjortevalda:

1253V0014 HAUSBERG – SUNDLAND HJORTEVALD
1253V0016 MJELDALEN HJORTEVALD
1253V0017 ROLLAND OG OMLAND HJORTEVALD
1253V0046 HAUGEGREND OG RONGVED HJORTEVALD
1253V0049 SØRFJORDEN HJORTEVALD
1253V0043 LONEVÅG HJORTEVALD

Bestandsplanen

Innhald

Den statistiske gjennomgangen og evalueringa av tidlegare år, viser at mange av måleparametrane som vert nytta i hjorteviltforvaltninga har samla sett ein positiv trend.

Fellingsprosenten oppfyller i hovudsak den kommunale målsetjinga om minimum 90% fellingsprosent (langsiktig). Gjennomsnitt for dei siste 5 åra er 95.

Når det gjeld å auka uttaket av kalv og ungdyr er det store forbetringar dei seinare åra. Nokre av valda bør auka innsatsen på å auka uttaket av ungdyr og særleg kalv. Det vil vere med på å redusere hjortestamma og gje meir vinterbeite til resten av vinterstamma og auka alder og vekt i stamma.

Utak av kalvar er kjønnsnøytral.

Bestandstettleik

Sett hjort pr. dag har vore vanleg å nytta som mål for utvikling av bestanden. Men på grunn av omlegging av registreringsmetoden i 2018 blir det i ein overgangsperiode tilrådd å nytte felt per jegerdag.

Felt hjort pr. dag har ein negativ trend for utmark. Sett hjort for utmark har ein positiv trend.

Det er for tidleg til å konkludere. Ein må ta med i vurderinga at mange fellingsløyve i 2020 og 2021 blei flytta til jordbruksområde.

Kjønnsbalanse

Det har vore eit skeivt uttak av bukkar i fleire av åra, særleg i 2017 og 2019. Men i 2020 var det nøytralt. Aldersanalysen og NINA rapporten at hjortebestanden syner at bestanden er hodyrdominert. Bestandsplanen legg opp til ei overvekt av hodyr i tildelinga. Det er nok naudsynt for å få til ei mindre hodyrdominert hjortestamme.

Kjønns- og alders fordeling i uttaket

Statistikken for jaktuttaket i perioden 2017-2021 viser at uttaket av spissbukkar i snitt er på 20 % som er

knappt er innanfor det gamle målet til Osterøy Kommune på maks. 20%, men under det nye målet for neste periode på maks 15%. Uttaket av eldre og yngre koller er for lågt til å redusere hjortestamma som er målet til Osterøy kommune.

Aldersanalysane i 2020 syner at snittalderen for eldre bukk og eldre koller er låg i jaktuttaket. Kollene og særleg bukkane oppnår ikkje fullvakse alder før dei blir skotne.

Sett spissbukk pr. bukk.

Utviklinga i sett spissbukk per bukk har ein negativ trend. Nyare erfaring tilseier at den bør ned på eit nivå under 0,35 på sikt.

Sett kolle pr. bukk (innmark og utmark) har ein veldig ulik trend i perioden. 2018 og 2019 hadde fallande trend, medan åra etter hadde ein aukande trend og er over målsetjinga til kommunen på 1,5. Nyare erfaringstal syner at indekstalet bør vera under 1,5.

Reproduksjon

Sett kalv pr. kolle har ein positiv trend og har vore over 0,6 i 2019 og 2021.

Den bør vera over 0,6. Den positive trenden bør fortsette ved å auka kondisjonen på dyra. Ein har tidlegare kalving når vektene på ung kollene kjem over 50 kg. Og ved betre kalvingsresultat når gjennomsnittsalderen på kollene aukar i bestanden.

Jakttrykket på bukk har ein nedgåande trend. Den har gått ned i frå 13% i 2017 til 10% i 2021.

Men diverre har jakttrykket på koller og kalvar og hatt ein synkande trend.

Vektutvikling

Det kom ikkje på plass systematisk vektregistrering før i 2019. Bestandsplanområdet meiner at det er for tidleg å konkludere på vektutviklinga så langt.

Statistikken syner at hannkalv og ung koller har negativ trend og ho kalvar og spissbukk har positiv trend.

Regelverk - bestandsplanar

I samsvar med § 16 i Hjorteviltforskrifta kan kommune godkjenne ein fleirårig bestandsplan. Kommunen skal vurdere om søknaden oppfyller krava i § 15 før søknaden blir godkjent.

Dei kommunale måla skal stå sentralt ved godkjenning av bestandsplanar, og kommunen skal sjå til at måla i bestandsplanen og den planlagde avskytinga er i samsvar med måla som kommunen har vedteke.

Kommune skal ved godkjenning av fleirårige bestandsplanar sjå til at målsetjinga i bestandsplanen og den planlagde avskytinga er i samsvar med måla som kommunen har sett.

Kommunen skal i sakshandsaminga vurdere søknaden etter Forskrift om forvaltning av hjortevilt § 15. Krav til bestandsplan for elg og hjort.

Bruk av bestandsplan skal vere hovudregelen ved forvaltning av elg og hjort. Denne planlegginga er eit resultat av ein dialog mellom privat og offentleg sektor for det er knyta både private og offentlege interesser til hjortevilt.

Formelle krav til ein bestandsplan

- Valdet eller bestandsplanområdet må disponere eit teljande areal på minimum 20 gonger minstearealet. Kommunen kan auke dette kravet, men ikkje senke det. Fråvik frå minstearealet, som er skildra i [hjorteviltforskrifta § 7](#), kan ikkje nyttast for å nå opp til minimumskravet.

- Avskytings planen må innehalde alle dei ulike kjønns- og alders kategoriane som blir lista opp i hjorteviltforskrifta § 18 tredje ledd. Søkar kan dele opp kategoriane ytterlegare, men ikkje slå dei saman.
- Tall dyr som det blir søkt felt tek utgangspunkt i kommunen sitt minsteareal (a) og det teljande arealet i valdet eller bestandsplanområdet.
- For bestandsplanområder må kommunen sjekke at planen skildrar korleis kategoriane av dyr årleg skal fordelast på dei ulike valda. Hjorteviltforskrifta § 15.
- Dette skal sikre at alle rettshavarane som inngår i bestandsplanområder er einige i fordelinga av desse kategoriane.
- Søknaden er underskrevet av bestandsplanområdets representant eller vald ansvarleg representant.
- Planen har en lengde på mellom 2 og 5 år.
- Bestandsplanen inneheld mål for bestandsutviklinga som er i samsvar med kommunen sine mål.
- Avskytings planen bidreg til å nå dei kommunale måla.

Arealkrav til å få godkjend bestandsplan

Minimum storleik for eit vald eller bestandsplanområde for å kunne få godkjend bestandsplan må kunne disponerer eit teljande areal på minimum 20 gonger minstearealet. Kommunen kan auke dette minimumskravet, men ikkje senke det. Det ligg i omgrepet bestandsplan at det blir kravd ein viss avskyting for å være i stand til å ha ein reell påverknad på ein bestand.

Bestandsplanområdet er samla på **82 819 daa** teljande areal. Planen oppfyller krava om minimum 20 x minstearealet på 450 daa. Bestandsplanområdet har som mål å utvide bestandsplanområdet i laupet av neste planperiode. Det er i samsvar av måla til kommunen.

Planen er for 3 år (2022-2024), som er ein hensiktsmessig lengde på bestandsplanar og i samsvar med krav om 2-5 år lengde på bestandsplanane.

Avskytings planen nyttar godkjend kjønns- og alders kategoriane som blir lista opp i hjorteviltforskrifta § 18 tredje ledd.

Talet på dyr som det blir søkt om fellingsløyve for er i samsvar med kommunen sitt minsteareal for valdet og godkjend teljande areal i frå 2022.

Teljande areal burde ha vore gjennomgått, men kommunen vil for planperioden legge til grunn gjeldande teljande areal for valdet på 82819 daa og 70-100-200-1000 daa som minsteareal. (Mjelde Skipsreie ligg i Vaksdal kommune har 1000 daa som minsteareal.)

Evaluering av om måla i bestandsplanen for bestandsutvikling er i samsvar med kommunen sine mål

I følgje forskrifta skal bestandsplanen innehalde mål for bestandsutviklinga som samsvarer med kommunen sine overordna mål for hjorteforvaltninga i kommunen.

Hovudmålet for hjorteforvaltninga i Osterøy kommune:

«Forvaltninga av hjortebestanden i Osterøy kommune skal baserast på kunnskap om biologi og økosystemet. Hjortebestanden skal forvaltast slik at naturen sin produktivitet og artsrikdom blir teke vare på. Innanfor desse rammene og naturgjeve beitetilgang skal hjortestamma forvaltast til gode for samfunnet og landbruksnæringa.»

Det er sett delmål og tiltak for bestandstettleik, fellingsprosent, helsetilstand, kunnskapsgrunnlag, produksjonsevne, skadar på innmark og skog, bestandssamansetning, arealbruk, trafikkpåkøyringar og organisering og jaktinnsats.

Ein tolkar målsetjinga om å redusere hjortestamma i bestandsplanområdet til eit berekraftig nivå ved å auka fellingsprosenten og auke felling av produksjonsdyr er innanfor kommunen sine mål.

Det same gjer mål for:

- Kjønn- og aldersstruktur i uttaket.
- Auka produktiviteten i hjortestamma gjennom å auka gjennomsnitt alderen på begge kjønn i hjortestamma.
- Auka rekruttering av eldre kronhjort gjennom uttaket av spissbukk til fordel for eldre bukk som og er i samsvar med tilrådinga ti NINA
- Redusere beiteskadar
- Betre kondisjon og helsetilstand
- Betre samarbeid mellom vald og jaktfelt innanfor planområdet
- Auka kunnskapsgrunnlag

Det er i samsvar mellom evaluering og målsetjing og delmåla. tiltak. Og tiltaka i tråd med kommunen sine målsetjingar.

Om avskytings planen bidreg til å nå dei kommunale måla

Vurderinga til rådmannen er at avskytings planen er i samsvar med kommunen sine mål for forvaltning av hjortestamma.

Med helsing

Hege Eeg
einingsleiar

Lars Johan Fjelde
avd.leiar landbruk

Brevet er godkjent elektronisk og har derfor inga underskrift.

Kopi til:

JOERN ERIK VAD

Mottakar:

Svein Magne Vassdal

Flordalen 45

5725

VAKSDAL